

AKAPACH JAQE WALINKAÑAPATAKI INOQAT ARU

Qalltañataki

UNANCHASA, aka pachana jajejh munañanısina, cheqpacha amuyasisa, cheqa thakir sarjhatasa, jilan sullkanjama arnaqasa, jan nuwasisa utjañaru wayt'asiñ yati;

UNANCHASA, jaqen walinkañapataki wakisir arunaka armasna, yaqhep jajejh masinakaparu khuyañ autuyi, mututanakasti, uñatatasisa, wajcha kankañapa atipasna, jan khitirus ajhsarasa, cheq-cheqa qhana arumpi arustatasjhajhe;

UNANCHASA, jaqen walinkañapataki inoqat arujha arjhatatãñapaw jan jaje ñanqhachirinakaru ch'ajhwa qalıtasna waninchajhañapataki;

UNANCHASA, taqpacha markanakajh kunti munapjhe ukanaka jikjhatañatakiejh jupanakpacha sumãñat arusthapısipjhañapaw;

UNANCHASA, Mathapit Mayachat Markanakan Arupa taqjhatasna akham markanakajh amuyasi: Taje mayniwa, chachas warmis, jaje kankañanısınjha, ch'amachasisna má ch'ulla chachjama jaqen walinkañapa jikjhatañaru wayt'asipjhe;

UNANCHASA, taje mrakanakajh Matahapit Markanakamp chika akham amtapjhe: sapaqat markanjha aniw jajejh inaki arnaqatãkaspati; jakañapans yãnakapans arjhatatãñapaw;

UNANCHASA, Mathapit Markanakan amuyasitanakapa yatisina khuskat taqpachanipaw wayt'asipjhañapa phoqasiñapataki.

MAYACHAT MARKANAKAJH JACH'A MATHAPIWINAKAPAN JAQEN WALINKAÑAPATAKI INOQAT ARU YATIYI

Taqpacha jaqenaka, ayllunaka, markanaka, aka arunakaru iyau sasna ch'amachasıpjhañapaw, isk'alalanakas, wayna tawaqonakas, chuymani jaqenakas, markapan qorpap manqhana yatichatãpjhañapaw. Ukhamarus qorpamarkanakampi jaya markanakampi arusthapısisa taqpacha markanakajh khuskat ch'amachasıpjhatapampi alajh toqeru wayt asitapjaniw.

1. T'aqa

Taqpach jajejh khuskat uñjatatãpjhewa munañapansa, lurañapansa, amuyasiñapansa, ukatwa jilani sullkanıpjhaspas ukham uñjasıpjhañapawa.

2. T'aqa

Taqpacha jaqenakajh chikasıtapjhew; inajaqes, mistis, janq'os, ch'iyaras, chachas, warmis, amiris, wajchas taje mayniw khuskat uñjatapjhe.

Ukhamaraki, janiw juk'ampıkaspas ukhama uñjasıspati jach'a markanakaru isk'a markanakat sipanjha; taqpacha markanakajh tinkusıtãpjhew, jaqenakapasti chikasıtapjharakiw.

3. T'aqa

Sapaqat jajejh jan khitirus ajhsarasa jakañapa, munañapa, amuyasiñapa, jaje kankañapa taqjhatasiñapaw.

4. T'aqa

Janiw j aqenakat maynikisa uywarj ama aljhatãkaspati, ukhamarus jan jupa munasin janiw kuna urañarus, irnaqañarus wayt'asıtãspati.

5. T'aqa

Janirakiw taje jaqenakat maynikis khuyaña mutuñanakampi chhojrinchatãñapati.

6. T'aqa

Jajejh, jaqëtapat layku, kauki markankipansa jaje kankañapajh wali chaninchatëñapaw.

7. T'aqa

Jiliri p'eqeñanakajh taje mayniru khuskat uñjapjhañapaw. Taje mayniw arjhatatãñapa; kunapachati markanakan hualinkañapataki inoqat arunaka khitis t'unjaña munaspa ukajha, qhananchatãñapaw.

8. T'aqa

Khititejh ñanqhachat uñjasısp ukajha, jach'a j ilirinakaruwa yatiyasiñapa arjhatatãñapataki.

9. T'aqa

Janiw khitis markapana mutuyatãniti, janirakiw khitis markapata alismukutãniti.

10. T'aqa

Taje mayniw juchanchata uñjasisa mä cheqa arun jilirimpi ist'ayasiñap wakisi qhananchayasiñataki, uka qepatsti cheq cheqaru t'aqayasiñataki.

11. T'aqa

Janiw khitirus jucharu jalantatjama uñjañäkiti, khititejh lutintata uñjasıspajha, ch'ajwa t'aqeri j ilirin

nayraqatapan mä arjhatasirimpi taqjhatat qhananchayasiñapaw, ukchañkamasti jan juchanjama uñjatāñapaw.

Markasana yaqha markanakansa wakisiri inoqat arunak phoqasawa jucharu jalantirinakarojh uñjaña, mutuñanakasti juchanakampitj amaw wakisitāñapa.

12. T' aqa

Janiw k' umiñas, ñanqachañas, ch' inanchañas utjkaspati jaqen kankañapjhata, utapjhata, qellqasitapjhata. Taque maynir arjhatañatakiw kamachit jach'a arunakas qellqanakas utji.

13. T' aqa

Markapanjh taqe mayniw kawkiruti sarañ muni ukarojh saraskakispaw; kauki ujarus utjnoqasiñ munipaniha utjnoqasiskakispaw, janiw khitis kuns sañapäkiti.

Markapatsa yaqha markatsa taqe mayniw mistuñ munipanjha mistukispaw, pachparu kutt ' aña munipans kutt' askakispaw.

14. T' aqa

Khitiruti ñanqhachañataki arknaqasipkasp ukajha, kaukir markampis arjhatayasiskakispaw.

Uka arjhatañasti janiw ina juchanakamp juchanchasir jaqetakfkiti, ukhamarus haniw Mayachat Markanakan inoqat aruparu jan phoqeri jaqetakikiti.

15. T' aqa

Janiw mä ch' ulla jaqes jan markanejh utjkiti.

Janirakiw jaqerojh markapjama uñtasitapjha apaqañjamäkiti, ukhamarus khitis markap lanti yaqha markampi trukasikispaw, munaña patjamaw.

16. T' aqa

Yoqallanakas imillanakas chuymaniptjhasin paninchasipjhakispaw munasinjha, janiw khitis jark ' askaspati; chachas warmis purapatha uñjasipjhañapaw paninchasiwinsa jaljtasiwinsa.

Chachamp warmimpi panipa arusthapisisakiw paninchasiñapatak wakisi.

Auki, tayka, wawanakapas ayllu taypin saphipjama inoqataw, ukatwa ayllumasinakapat jach'a jilirinakapats arjhatat uñja sipjhañapaw.

17. T' aqa

Taque jaqetakiw wakisi utaniña, oraqeniña, jupa sapas ayllumasinakapampi chikas.

Janiw khitisa utaps oraqeps inaki aparkaspati.

18. T' aqa

Akhama inoqat arú utji: Taque maynin munañapatjamaw yupaychañapas amuyasiñapas. Kuna munañanakaps, amtañanakaps, amuyasitanakaps trukaña munasina trukakispaw; ukanaksti taqe jaqen nayraqatapata arsuña, mayninar yatichaña, kauki toqeru ch' eqeyaña.

19. T' aqa

Taque maynejh kuna amuyasitanakapsa arsukispaw, ukhamarak yaqha jaqenakan amuyasitanakap qatoqasina ch' eqtatayakispaw markapans yaqha markanakansa, janiw khitis jark' askaspati.

20. T' aqa

Taque mayniw munañapata yaqha jaqenakampi arusthapisisa mathapisiskakispaw jan ch' ajhwa apanaqasna.

Janiw khitirus ch' amakamajh kuna amtawiñarus mantayksnati.

21. T' aqa

Taque markanakanjh jach'a jilirinakapajh jaqen munañapata uskutäpjhāñapaw. Taque jaqesti jaqe masipan munañapata jilirjama ajllitakispaw.

Jaquenakajh khuskata, taqe maynin taypita, jilirjama markapa aski apnaqañatakiejh khitirus aj llisipkakispaw.

Ayllunakan, markanakan munañapaw mä qhauqha marat mara jilirinakaparu cheqa ajlliñajh. Uka amtatanakapasti janiw khitis q' eutaykaspati.

22. T' aqa

Jaqejh mä markan utjasina masinakapamp chika, walinkañapana, k' umara utj añapana, yatiñapana, yänak jikjhatasitapana, arjhatatāñapaw. Uka ch' amapampi lurañanakansti jilirinakajh yaqha jilirinakamp arusthapisisa mayni markanakampi yanapt' ayasispaw.

23. T' aqa

Taqe mayniw kun luraña munipansa Iurakispaw; yaqha jaqetaki Iuratanakapasti chaninchatãñapaw; inakt'awinsti jan luraña utjatap layku, yanapatãñapaw.

Khuska jaqetaki kipka lurañanakanjh kipkarakiw chaninchañ wakisi.

Taqe ch'amachasiri jajejha Iuratapat chanip qatoqasiñapaw, ukampisti warmipa wawanakapamp chika jaqjama utjañapataki, jani ukhamäsp ukasti yanapatãñapaw.

Taqe mayniw jupjama ch'amachasir jaqenakamp mathapisiñ munasinjh mathapisiskakispaw wakisitanakap arjhatasiñataki.

24. T'aqa

Ch'amjasiri jajejh sapa mara phoqasina samarañapaw wakisita, ukhamaraki jan lurawi urunakanjh. Uka samarawinakapansti ch'amjasiskaspas ukhama chanichatãñapaw.

25. T'aqa

Khitis inakt'aspa usuntasna, ijmaptasna, usurmuktasna, achachiptasna, janiraki qolqenïspa isi, manq'a, qollanaka alañataki, marka jach'a jilirejh wajcha jaqerjama uñjasna yanapañapaw, ukatakisti kunaymana yanapanakaw utji.

Wawachiri warminakajh, asunakajh taqe isk'a wawanakapas khuskata arjhatatãñapaw.

26. T'aqa

Taqe mayniw yatichatãñapa. Uka yatichawejh janiw qelqaña mayatakikaspasi, taqe kuna yateqañatakĩñapaw, chanin 'uka yateqawimpejh wayt 'asiñataki.

Yateqawejh inakiñapaw, ukhamat wayna tawaqonakas juk'ampi yatiñanaku arkañ munasinjha arkasiplikakispaw, ukatakisti jach'a jilirejh taqe maynitaki yanapanak uchañapaw.

Sapa maynin jaje kankañapa wayt'asiñapataki, inoqat aru taqjhatañataki, markasana maya markanakampinsa jaje masisaru yäqañataki, jaqen amuytasitanakap jan jark'atãñapaki, ukatakiw taqe mayniru churatãñapa. Auki taykakiw munañanejh ajliiñataki kuna yatiñanaks wakisispa wawanakapataki.

27. T'aqa

Taqe jaqen munañapanakiw masinakapampi chika ch'amasisa aski yatiñanak jikjhatañataki ayllupatakis markapatakis, ukhamarak uka yatiwinakampejh juk'amp wayt'asita utjañatakispaw.

Sapa mayninkakiw amuytasitanakapas, luratanakapas, qellpatakapas; janiw khitis jupankaspas ukhama ukanakjh uñstaykaspasi. Maynin inoqatapa lunthatirejh cheqanchatãñapaw.

28. T'aqa

Khitis wayt 'askakispaw taqe jaqenakan walinkañapataki, aka inoqat aru phoqasiñapataki; ul:hamatjamaw markasans mayni markanakans cheqa thakiru sarj hatañasataki.

29. T'aqa

Sapa mayniw aylluparu yächañapa kunat-ti ayllup manqhanakwa kankañapjha jikjhatani.

Janiw khitis munañap-pin lurkaspasi kunat-ti ayllu masipaw ñanqhachata uñjasipa, ukhamarus taqe mayniw sayt'apjhaspa ñanqhachataru arjhatañataki. Uka lantinjha taqpachani kamachit arunaka phoqasna, suma jakañ thaki patjharu sarjhataasna, jan pitu uñstayasna mä ch'ulla chachjama nukt'añasaw taqe maynin walinkañapa.

Aka Mathapita Markanakan Arupajh janipiniw khitis maykiptkaspasi munañapa lurañataki. Wakisiw inoqata arupa arjhataña.

30. T'aqa

Janiw kaukir markasa, khiti jaqesa sapapakis masinakapampis arusthapisinsa, j aqen walinkañapatak inoqat arunaka q'eujtayasna kuna lurañanakamp, amtañanakamp tumpampi, jaqeru arknaqasina, munañanakapa, yatinoqtatapa, irnaqasiñanakapa, amuyasiñanakapa apaqapkaspasi.